

Bintang

(Untuk Sutrawardi)

Tangan-tangan merah

Antara dua golongan sebaya

Bintang-bintang tinggi, Empire State Building

Memisahkan antara dua golongan senada

Konon dunia sekarang penuh durjana

Tenggelam, timbul di selut dosa

Bergelumang lautan nafsu melulu

Dipandu iblis pun secebis harta neraka

Serpihan Qur'an membina wanita

Mutiara hadis empunya kelebihan

Para-para sahabat turut membina

Hanya alam morden punya nafsu seribu keangkuhan!

Sekarang retak-retak timbul di celah bintang

Dek keterikan sinaran api kongkongan

Membawa sejarah seribu sengketa

Menusuk hati menikam dada

Selami bintang tegak mendinding

Menjunjung kepentingan dan nafsu

Cuba-cuba lah tunggu damai

Kalau-kalau menjelma di celah-celah neraka berbahang!!?

Kolej Islam Malaya,

Kelang

8/10/1961

Oleh:

- Syukri Arif